

二百四十八
四
九

248-249



續文獻通考卷之二百四十八

皇明進士雲間王圻纂輯

仙釋考 釋家法嗣一

七佛

毗婆尸佛姓拘利若居槃頭提婆城說法

尸棄佛姓拘利若居光相城說法

毗舍浮佛姓迦葉居安和城說法

拘留孫佛姓迦葉居清淨城說法

迦葉佛姓迦葉居波羅柰城說法

晉閔帝時維衛迦葉石像至吳

迦迦年尼佛姓刹利以周昭王二十四年四月八日生十
九歲修道名為世尊穆王五十二年寂

西方祖師

一祖摩訶迦葉尊者摩竭佗國人姓婆羅門寂周考王五
年

二祖阿難尊者王舍城人姓刹利帝寂厲王十二年

三祖商那和修尊者摩突羅國人姓毗舍多寂宣王二十
三年

四祖優波鞠多尊者叱利國人姓首陀寂平王三十一年

五祖提多迦尊者摩迦陀國人說偈曰通達本法心無法
無非法悟了同木悟無心亦無法莊王七年自焚其軀
六祖彌遮迦尊者中印度人說偈曰無心無可得說得不
名法若了心非心始解心心法衰王十七年化火自焚
七祖婆須蜜尊者比天竺國人彌遮迦以正法眼藏付之
寂定王十九年

八祖佛陀難提尊者迦摩羅國人姓瞿曇氏頂有肉髻寂
景王十二年

九祖伏馱蜜多尊者提迦國人姓毗舍羅寂敬王三十五

年

十祖脇尊者中印度人本名難生侍九祖脇不至席遂號脇尊者寂貞定王二十五年

十一祖富那夜奢尊者華氏國人姓瞿曇氏寂安王十四年

十二祖馬鳴大士波羅柰國人嘗于華氏國傳妙法輪有老人化女子說偈忽不見祖曰將有魔來與吾較力須臾天地晦冥見一大金龍震動山岳祖儼然于座魔隨滅復有魃螟潛形座下師曰斯魔所變聽吾法耳放之

今去寂顯王三十七年

十三祖迦毗摩羅尊者華氏國人寂報王十一年

十四祖龍樹尊者西天竺國人有大树覆蔭五百大龍其樹王名龍樹于摩羅尊者得法寂于秦始皇三十五年

十五祖迦那提婆尊者南天竺國人姓毗舍羅寂于漢文帝十九年

十六祖羅睺羅多尊者迦毗羅國人見僧迦難提安坐入定問汝身定耶心定耶曰身心俱定祖曰身心俱定何有出入提曰雖有出入不失定相祖遂與分座寂于武

帝二十八年

十七祖僧迦難提尊者室羅筏城寶莊嚴王之子遊摩提國聞風吹殿鈴聲問一童子曰風鳴耶鈴鳴耶童子曰非風非鈴我心鳴耳祖遂盡傳以法右手攀樹而化時昭帝十三年也童子即迦耶舍多

十八祖迦耶舍多尊者摩提國人姓鬱頭藍肌體瑩如琉璃未嘗洗沐自然香潔自焚于成帝十二年

十九祖鳩摩羅多尊者大月氏國婆羅門子以指爪務面如紅蓮開出大光明照曜四衆而入寂時新莽十四年

二十祖闍夜多尊者北天竺國人寂于明帝十七年

二十一祖婆修盤尊者羅闍城人姓毗舍佉母孕時與一芻尼芻尼同生芻尼寂于殤帝十二年

二十二祖摩拏羅尊者那提國常自在王子示寂桓帝十九年

二十三祖鶴勒羅尊者勒羅語梵鶴即華言以月氏國人常感鶴羣慕戀故名

姓婆羅門寂獻帝二十年

二十四祖師子比丘中印度人姓婆羅門嘗遇一長者引其子問曰此子名斯多生便拳左手今終未能舒祖即

續文獻通考
以手接曰還我珠來童子遽開手奉珠衆驚異遊至罽
賓有盜爲釋象作亂者秉劍至曰既離生死可施我頭
祖曰身非我有何怪于頭盜即揮劍斷首白乳湧高數
尺而盜右臂亦墮地七日死

二十五祖婆舍斯多尊者罽賓國人姓婆羅門示寂晉明
帝大寧三年

二十六祖不如蜜多尊者南印度天德王次子至東印度
梵志以幻法化山壓祖頂祖指之忽在彼衆頭上梵志
等怖而求請山隨滅自焚于孝武帝太十三年

二十七祖盤若多羅尊者東印度人得道行化一日于座
上舒左右手各放光明二十七道五色光曜又湧身空
虛化火自焚空中舍利如雨收以建塔宋武帝大明元
年也

東土祖師

初祖菩提達磨大師南天竺國香至王第三子姓刹利帝
自西來止會陵嵩山終日面壁不說一語亦不立文字
直指人心本來是佛若聞聲悟道則號聲聞其立宗教
有六有相宗無相宗定慧宗戒行宗無碍宗寂靜宗也

越九歲寂于魏莊帝永安元年將寂時命門人各言所得曰道副得吾皮慧可得吾髓初至廣州指一地曰此地有黃金民爭鑿之得甘泉而無金以為誑達磨曰此金不可以斤兩計也蓋廣州水多鹹鹵甘泉絕少故云今號達磨井

二祖慧可大師武牢人姓姬氏嘗頭痛如刺換骨如五峰秀出卒時一百七歲隋文帝開皇十三年也葬磁州滏陽縣唐德宗謚大祖禪師

三祖僧燦大師不知何所人有沙門道信乞解脫法門寺

曰誰縛汝曰無人縛師曰何更求解脫信大悟寂煬帝大業二年唐玄宗謚鑑智禪師覺寂之塔有信心銘傳世

四祖道信大師蘄州人姓司馬氏大業中嘗念摩訶般若

解吉州城圍卒年七十有二代宗謚大醫禪師慈雲之

塔嘗見紫雲如蓋下有白氣一道橫分弘忍曰不是和尚化後橫出技佛法否

五祖弘忍大師黃梅人生而無父棄之水中不死人呼無姓兒得道信衣鉢法字未定神秀書一偈曰身是菩提樹心如明鏡臺時時勤拂拭莫使惹塵埃師贊嘆可得

勝果有盧能者執杵白業忽書其旁曰菩提本非樹明鏡亦非臺本來無一物何處惹塵埃師即以法寶及袈裟付之上元二年逝世宗謚大滿禪師法雨之塔

六祖慧能大師新州人姓盧氏師弘忍得其心印後遇印宗法師于法性寺講涅槃經有二僧論風幡一曰風動一曰幡動祖決之曰風幡非動動自心耳印宗遂邀入執弟子禮先天二年化于國恩寺建塔于曹溪憲宗謚大鑿禪師塔曰元和靈照

四祖下一世

牛頭山法融常禪師延陵人寂時鳥獸哀號桐樹自凋落不疾而逝窆于鷄籠山唐貞觀中建寺為一代祖師其山與寺皆號祖唐

四祖下二世

牛頭山智巖華禪師曲阿人隋時嘗立戰功唐初出家嗣融禪師儀鳳二年示滅顏色不變室有異香

金陵鍾山曇堆顏禪師吳郡人初謁融禪師告曰聲色為無生鵝毒受想是至人坑穽師大悟天授二年入定而寂

四祖下三世

牛頭山慧方禪師嗣巖禪師法

四祖下四世

牛頭山法持禪師嗣方禪師法

四祖下五世

牛頭山智威陳禪師江寧人得法持心印終于延壽寺

四祖下六世

牛頭山智忠王禪師潤州人得威師宗旨肅宗嘗引入內
呼太白山人縣令張遜造其所問師有何徒弟四有三

五人乃叩禪床三虎咆哮而出遜驚怖而退將建法堂
有古樹群鵲巢之師諭鵲使出鵲皆遠徙及築基有二
神人定其四角潛資夜役不日而成大曆四年祥雲覆
舍空中聞樂聲怡然坐化荼毘時獲舍無計

宣州安國寺玄挺禪師得威法師宗旨時神秀禪為北宗
而慧能為南宗或問南北宗自何而出玄挺曰心宗無
南北

舒州天柱山崇慧陳禪師彭州人得威師法或問如何是
道曰白雲覆青嶂蜂鳥步庭花大曆十四年歸寂肉身

潤州鶴林玄素馬禪師延陵人得威師法嘗有僧扣門曰
佛來亦不着原無汝棲泊處天寶壬辰寂八十五歲左
補闕李華製碑

四祖下七世

天台山佛窟巖惟則長孫禪師京兆人嗣忠禪師法嘗曰
聖人如影百姓如夢教為死生元和中示寂

杭州徑山道欽朱禪師崑山人嗣鶴林素禪師法代宗召
至闕下賜號圓一真元八年寂謚大覺禪師

一鷄常隨
法會及師

之長安鷄長鳴
三日不食而死

四祖下八世

天台山雲居智禪師得佛窟法為華巖院僧繼宗明見性
成佛義繼宗禮謝而退

杭州烏窠道林潘禪師富陽人嗣徑山欽禪師法棲止秦
望山長松下有鵲巢其側相與馴狎故又名鵲巢和尚
白居易常言其所居危險師曰太守危險尤甚居易曰
吾位鎮江山何險之有師曰薪火相交識浪不平得非
險乎又問佛老大意師曰諸惡莫作衆善奉行居易曰

三歲孩兒解道得師曰三歲孩兒道得八十歲翁行不得居易嘆息而去長慶四年坐化

五祖下一世

北宗神秀李禪師開封人有偈曰一切佛法自心本有將心外求舍父逃走隋仁壽時卓錫江陵玉泉南北學徒幾萬人唐中宗甚加禮重神龍中入城謚大通禪師嵩嶽慧安衛國師枝江人貞觀中至黃梅謁五祖得道年一百二十八將示寂戒其徒昇尸置林中恣野火焚之其徒奉命果野火至闍維得舍利八十粒內五粒色紫

留當中先天二年建塔

袁州叢山道明陳禪師鄱陽人宣帝之裔初與盧能同師五祖後爭其所傳衣不能動乃更求教于能往叢山大倡玄化

資州智侁禪師

祖法嗣
事迹未詳

五祖下二世

五臺山巨方曹禪師安陸人得教于神秀從者盈千數河中府中條山智封吳禪師見神秀疑心頓釋後建塔于城北

兗州降魔藏禪師趙郡人姓王氏得神秀法善降服妖怪
學者雲集

壽州道樹間禪師唐州人得神秀法有野人為怪涉十年
至是寂無影形師曰野人伎倆有窮吾不見不聞無書
寶慶元年示寂

京都興唐寺普寂禪師河東馬氏子中宗特代神秀說法
衆門徒萬人開元中寂士庶曾謁見者皆制并服賜
號大照禪師

京洛福先寺仁儉禪師得道于慧安國師始號騰騰和尚

後天后召入進短歌厚賜不受有了元歌一首行世

嵩嶽破竈和尚得安國師法山塢有廟甚靈殿中惟安一
竈來祭者烹殺甚多師以杖叩竈乃三下曰此竈是
合成靈從何來聖從何起竈乃墮落竈神更來謝因號
破竈墮和尚

嵩嶽元珪李禪師伊闕人得安國師法有異人來誅之曰
我此嶽神能生死人師曰吾本不生汝焉能死吾視身
與空等汝與吾等汝能壞空與汝乎神稽首願受正戒
北山之松為移于東嶺森然行植開元四年寂若委蛻

資州處寂禪師先禪師法嗣
事迹未詳

五祖下三世

終南山惟政周禪師平原人得寂禪師法唐文宗嘗食蛤
蜊中有菩薩形像召惟政問之立觀音像以荅殊休武
宗即位入終南山隱寂

嵩山峻極禪師不知何所人得破竈和尚法破竈稱曰此
子會盡諸法無生

益州無相禪師資州寂禪師法嗣事迹未詳

五祖下四世

益州保唐寺無住禪師得法于無相杜鴻漸鎮蜀時延請
入城時庭樹鴉鳴公曰聞否師曰聞鴉既去公曰聞否
師曰聞公曰鴉去無聲云何有聞師曰聞與不聞非聞
聞性本來不生今亦不滅鴻漸大稱賞之
六祖鑒禪師旁出法嗣

六祖下一世

西域窟多三藏天竺人六祖言下契悟後不知所終
韶州法誦禪師曲江人初見六祖問即心即佛義以偈贊
曰即心原是佛不悟而自屈我知定慧因雙修離諸物

吉州至誠禪師太和人初謁秀禪師今徃曹溪質疑遂
謁六祖歸而呈偈曰五蘊幻身幻何究竟回趣真如法
還不淨

匾擔山曉了禪師六祖嫡嗣得無心之心了無相之相
洪州法達禪師豐城人禮拜六祖頭不至地祖訶之曰汝
心中必有一物師曰念法華經至三千部曰念至萬部
不以為勝則與吾俱行又問其名曰法達祖曰汝名法
達何曾達法師悔過願謙受教祖盡啟其蒙有悟祖曰
今真念經僧也

壽州智通禪師安豐人初看楞迦經不會三身四求六
祖解其義祖曰三身者清淨法身汝之性也圓滿報身
汝之智也千百億化身汝之行也四智者大員鏡智
清淨平等性智心無病妙觀察智見非功成所作智同
員鏡師拜贊偈

江西志張禪師名行昌少任俠自南北分二宗而北宗徹
門人厲行昌刺六祖揮劍無損即願出家報恩六祖為
陳涅槃奧義曰汝今徹矣宜名志徹師禮拜而謝

信州智常禪師貴谿人六祖示以見性成佛之義心意豁

然

廣州智道禪師南海人得六祖剖析涅槃幽微曠曜而退
永嘉真覺戴禪師本郡人徧探三藏與東陽策禪師俱為
六祖所善

佛通作玄覺一統志載宿覺瑞安人居帆遊山訪道于
曹溪六祖一見語契而去世謂六祖而下著見者三人
南岳懷讓青原行思永嘉宿覺唐賜謚無相大師塔名
淨光五燈乃不載豈宿覺即真覺乎

溫州淨居尼玄機真覺之妹景雲中習定于大日山往參

雪峰雪峰曰汝名玄機織得多少師曰寸絲不掛遂禮
拜退

司空山本淨張禪師絳州人天寶中揚光庭受詔採常春
藤于山中因造問禪宗要旨盡契其義上元二年歸寂
謚大曉禪師

婺州玄策禪師金華人嘗遊河洛徃謁六祖後歸金華大
開法席

河北智隍禪師始參五祖無得結庵河北積二十餘載無
情容後遇玄策禪師今參六祖豁然契悟遂回河北開

化四衆

南陽慧忠丹國師諸暨人代宗迎止光宅精藍有西天大耳三藏得他心通肅宗命國師試驗始知去西川看競渡次知在天津橋上看弄胡孫最後不知師叱曰這野狐精他心通在甚麼處藏無對大曆十年長往謚大證禪師

西京荷澤神會高禪師襄陽人年十四謁六祖盡聞玄妙上元元年奄化塔于龍門

六祖下二世

吉州耽源山應真禪師為忠國師侍者得國師之法

沂水蒙山光寶周禪師并州人初謁荷澤澤今別光寶同

異超然頓悟元和二年圓寂

磁州法如禪師荷澤會禪師法嗣事迹未詳

六祖下三世

荆南惟忠禪師磁州法如禪師法嗣事迹未詳

六祖下四世

蓬州道圓和尚荆南忠禪師法嗣事迹未詳

六祖下五世

終南山圭峰宗密何禪師西充人元和中將赴舉偶遇圓
和尚契會遂出家會昌中示寂宣
謚定慧禪師裴
休作傳

六祖下大覽禪師法嗣

南嶽懷讓杜禪師金州人嘗詣曹溪叅六祖忽然有悟後
居般若寺聞沙門道一常習坐禪師徃彼庵前磨甗云
欲作鏡一曰磨甗豈得成鏡師曰坐禪豈得作佛一遂
求教天寶三年圓寂謚大慧禪師

吉州青原山靜居寺行思禪師本州安福劉氏子六祖問

洛何階級師曰聖諦亦不為何階級之有祖深器之今
分化一方沙彌開元二十八年示寂守宰李嵩闍維之
得舍利千粒玄宗謚為七祖僖宗謚弘濟禪師一曰真
寂禪師

續文獻通考卷之二百四十八終

續文獻通考

十六

續文獻通考卷之二百四十九

皇明進士雲間王圻纂輯

仙釋考 釋家法嗣二

南嶽下一世讓禪師法嗣

江西道一馬禪師什邡人得讓禪師旨貞元四年入城元

和中謚大寂禪師

嘗欲于贛州岩築庵山鬼助役一夜而成師曰學道不至被這小鬼看破

非吾所居也遂棄之

南嶽下二世馬祖禪師法嗣

洪州百丈懷海王禪師長樂人嘗有老人聽法願脫野狐

身師為說法脫之元和九年示寂年九十有五謚大智
禪師

池州南泉願王禪師新鄭人扣大寂室頓然忘筌普一日
演教畢示門人曰星移燈幻久矣勿謂我有去來奄然
而逝

杭州益官海昌院齊安李國師海門人生時有異僧謂當
建無勝幢使佛日回照後得大寂正法謚悟空禪師

廬山歸宗寺知藏禪師不知何姓李勃問芥子納須彌莫
是妄譚師曰使君讀萬卷書籍從何處着戒後謚至真

禪師

明州大梅山法常鄭禪師襄陽人得大寂即心是佛之教
大悟禪旨

洛城佛光如滿禪師唐順宗問佛從何方來戒從何方去

既言常住世佛今在何處答曰佛從無為來戒從無為

去法身等虛空常住無為處帝大悅

洛中遺老有此僧
白樂天時為社會

時年九
十九

婺州五洩山靈默宣禪師毗陵人沒時焚身告眾曰法身
圓寂焉有去來千聖歸源萬靈歸一

幽州盤山寶積禪師參馬祖得道謚凝寂禪師

蒲州麻谷山寶徹禪師侍馬祖得大涅槃旨

湖南東寺如會禪師曲江人長慶中歸寂謚傳明大師

處州西堂智藏廖禪師處州人元和中歸化憲宗謚大宣
教禪師穆宗重謚大覺禪師

京兆府章敬寺懷暉謝禪師泉州人元和十三年示寂謚

大覺禪師

永泰靈湍禪師

華嚴智禪師

越州大珠慧海朱禪師建州人初求馬祖佛法馬祖今求

自家寶藏師曰何為寶藏祖曰即今問我者是汝寶藏
一切具足更無少欠師自識本心踴躍禮謝

洪州百丈山惟政禪師

洪州泐潭法會禪師問馬祖如何是祖師西來意祖終不
言師默會繞法堂一匝便去

池州三山智堅禪師初與歸宗南泉路逢一虎行過後各
相問適見虎似何物宗曰似猫師曰似狗南泉曰我見
是大蟲

洪州泐潭惟建禪師在法堂後專以坐禪入定為事

澧州茗溪道行禪師嘗曰吾大病非世所醫

撫州石鞏慧藏禪師初因逐鹿過祖庵祖問一箭射得多
少曰一箭射一个祖曰吾一箭射一群師曰彼此生命
何用射他一群祖曰汝既知此何復自射師遂擲弓箭
出家

江西北蘭讓禪師

袁州南源道明禪師嘗言多學佛法廣作利益問如何是
廣作利益曰一物不違

忻州鄜村自滿禪師

朗州中邑洪恩禪師仰山問如何得見佛性師曰譬如一
室有六窓中有一獼猴外獼猴六窓俱與猩猩猩猩六
窓俱應

洪州泐潭常興禪師

汾州無業杜禪師上洛人馬祖觀其狀貌曰巍巍法堂只
是無佛師因跪問即心是佛旨實未能了祖曰即此未
了心便是師豁然有悟憲宗屢召不赴穆宗又召之踟
跌而逝茶毘日瑞雲五色異香四徹舍利燦若珠玉長
慶三年謚大達國師

澧州大同廣澄禪師僧問除六根法師曰輪劔擲空無傷于物

信州鵝湖大義徐禪師衢州須江人憲宗召入論義元和十三年示寂謚慧覺禪師

伊闕伏牛山自在李禪師吳興人嘗言曰即心即佛是無病求藥句非心非佛是藥病對治句後示寂于隨州開元寺

京兆興善寺惟寬祝禪師信安人白居易嘗問禪師何以說法師曰無上菩提者被于身為律說于口為法行于

心為禪其致一也元和十二年示寂謚大徹禪師

鄂州無等禪師尉氏人出家龔公山密受心要

潭州三角山總印禪師僧問如何是三寶師曰禾豆麥

池州魯祖山寶雲禪師

常州芙蓉山大毓范禪師金陵人寶曆中入寂謚大寶禪師

唐州紫玉山道通何禪師廬江人元八年去襄而終

五臺山隱峰鄧禪師邵武人吳元濟拒官軍時振錫飛身

而過衆皆屬自由是官軍得成其功戒時倒立而化其衣順體 然不動有妹爲尼拊而咄曰老兄疇昔不循法律死更惑人推之即踣遂就闍維收舍利建塔

潭州石霜大善和尚示人佛法大意曰春日鷄鳴中秋犬吠

泉州龜洋無了沈禪師本群人有虎逐鹿入庵師以杖格虎存鹿閩王時謚寂真大師

南嶽西園蘭若曇藏禪師受心印于大寂後謁石頭瑩然明朗東廚有大蟒長數丈侍者請避之師曰彼以毒來

我以慈受蟒忽不見後一夕盜至師曰可意物一任將去盜稽而散

袁州楊岐山甄叔禪師元和十五年歸寂舍利七百粒

磁州馬頭峰神藏禪師嘗曰知而無知非無知而說無知

潭州華林善覺禪師裴休訪之問有侍者否師曰有一兩介祇不可見客裴曰在何處師喚大空小空二虎自庵後出裴驚悸師語虎曰有客且去二虎咆哮而去

汀州水塘和尚 濠谿和尚 溫州佛嶼和尚

烏白和尚 古寺和尚 石白和尚

石林和尚

本谿和尚

西山亮座主蜀人嘗語馬祖以心講經論馬祖謂心不能講師曰心既講不得空虛莫能講得馬祖大笑

黑眼和尚

米嶺和尚

齊峰和尚

大陽和尚

幽州紅螺山和尚

百靈和尚一日與龐居士相遇問南嶽得力句會舉向人否士曰會師曰何人士以手自指曰龐公

鎮州金牛和尚

洛京黑澗和尚

利山和尚僧問衆色歸空空歸何所師曰舌頭不出口

韶州乳源和尚

松山和尚

巴蜀則川和尚

忻州打地和尚凡學者致問惟以杖打地示之故云一日被僧藏却棒然後致問但張口而已

潭州秀溪和尚

江西柁樹和尚

京師草堂和尚僧問未有一法時此身在甚處師作一圓相于中書身字

洞安和尚

京兆興平和尚

逍遙和尚

洪州水潦和尚僧問如何是沙門行師曰動則影現覺則

水生

浮孟和尚凌行婆來禮拜問盡力道不得句分付阿誰師
曰浮孟無剩語婆曰未到浮孟不妨凝着師曰別有長
處不妨拈出

潭州龍山和尚偈曰三間茅屋從來住一道神光萬境閑
莫把是非來辯我浮生穿鑿不相關遂燒庵入深山號
隱山和尚

襄州居士龐蘊衡陽人字道玄世本儒業少悟玄機嘗叅
馬祖問不與萬法侶者何人祖曰待汝一口吸盡西江

水方向汝道士于言下頓悟玄旨有女名靈照亦精佛
理父將入滅先登父座合掌坐亡父更延七日適于公
頓問疾枕其膝而逝

荊州天皇寺道悟禪師先朝人崔子玉之後嗣馬祖元和
十二年寂正義大夫丘玄素撰碑銘

南嶽下三世百丈海禪師法嗣

潭州瀉山靈祐禪師福州長谿趙氏子剃髮于杭州龍興
寺究大小乘後遊江西叅百丈一見便居叅學之首司
馬頭陀尋山得大瀉謂靈祐可住時第一座華林覺出

爭百丈曰能對衆下一語出格者便當與之即指淨瓶
問曰此不得名淨瓶更可何名林曰可喚作木椀丈乃
問師師踢倒淨瓶便出去丈笑曰第一座輪却山子師
乃往焉創新梵字禪學輻湊大中七年壽八十三謚大
圓禪師

洪州黃蘗希運禪師閩人幻于本縣黃蘗山出家裴休贈
以詩曰自從大士傳心印額有玄珠七尺身掛錫十年
棲蜀水浮盃今日渡江濱一干龍象隨高步萬里香花
結勝因擬欲事師為弟子不知將去付何人大中時寂

謚斷際禪師

福州長興大定陳禪師本郡人黃蘗令求百丈丈曰大似
騎牛覓牛識待後如騎牛至家始終保任如執鞭收牛
不令犯人禾稼師領旨 瀋山三十年中和時寂謚

圓智禪師

杭州大慈山寰中廬禪師蒲坂人少喪母廬墓遂出家并
州童子寺以報母恩嘗示衆曰說得一丈不如行取一
尺說得一尺不如行取一寸洞山曰我異于是說取行
不得底行取說不得底屬武宗廢教短褐隱居大中時

重荆染咸通三年寂僖宗謚性空大師

性空居大慈山無水有神人告

曰明日得水是夜二虎跑地泉水湧出號虎跑泉

天台平田普岸禪師洪州人有偈示衆曰大道虛曠常一

真心善惡莫思神清物表隨緣飲啄更復何為終于本

院有遺塔

瑞州五峰常觀禪師

潭州石霜山性空禪師僧問如何是祖師西來意師曰如

人在千尺井中不假寸繩出得

福州右靈神贊禪師本州大中寺受業後行脚遇百丈開

悟歸為本師浴背曰好座佛堂而佛不聖本師回視之

曰佛雖不聖能放光他日在窓下看經蜂投窓紙求出

師曰世界如許廣闊乃鑽他故紙本師見發其言異常

詢其所遇何人師以實告本師乃今登座說法將寂告

衆曰汝等識無聲三昧否儼然示寂塔存本山

廣州安和寺通禪師自幼寡言人號不語通欲參馬祖祖

已圓寂乃詣百丈頓有契悟

江州龍雲臺禪師 京兆衛國院道禪師

鎮江萬歲和尚 洪州東山慧禪師

續文獻通考

清田和尚

百丈山涅槃和尚一日謂眾曰汝等與我開田我與汝說

大義衆開田了請說大義師惟展兩手衆莫解開田便是教

南嶽下三世南泉願禪師法嗣

趙州觀音院從諗郝禪師郝鄉人叅南泉了悟嘗曰老僧把一枝草為丈六金身用把丈六金身為一枝草用又曰未有世界早有此性世界有壞此性不壞又曰正人說邪法邪法悉皆正邪人說正法正法悉皆邪又曰闍黎看經或七八卷或十卷不會看經老僧一日只看一

字又曰人被十二時辰使老僧使得十二時其玄言布于天下時謂趙州門風皆悚然信伏乾寧四年寂壽一百二十歲謚真際大師

湖南長沙景岑招賢禪師初住鹿苑為荆世後居無定所但狗緣接物隨宜說法人謂長沙和尚嘗曰我若一向舉揚宗教草堂裏須草深一丈事不獲已向汝諸人道盡有偈曰百尺竿頭不動人雖然得入未為真百尺竿頭須進步十方世界是全身

鄂州茱萸山和尚

衢州子湖巖利縱周禪師澶州人入南泉之室抵衢州馬蹄山結茅有偈曰三十年來住子湖二時齋粥氣全粗無事上山行一轉借問時人會也無廣明中示寂塔于本山

荆南白馬曇照禪師 終南山雲際師祖禪師

鄧州香巖下堂義端禪師嘗示眾曰語是謬寂是誑語寂向上有路在老僧口門窄不能說得

池州靈鷲閑禪師明水和尚問如何是頓護法身師曰一透龍門雲外望莫作黃河點額魚

洛京嵩山和尚 蘇州西禪師和尚 日子和尚

南嶽下三世監官安國師法嗣

襄州關南道常禪師每見僧來叅禮多以拄杖打趕或曰遲一刻或曰打動關南鼓而時輩鮮有唱和者

洪州雙嶺玄真禪師

杭州徑山鑒宗錢禪師湖州人得瀉山玄旨咸通中寂謚無上大師

南嶽下三世歸宗常禪師法嗣

福州芙蓉山靈訓禪師初叅歸宗問如何是佛宗曰我說

汝信否曰信曰即汝便是佛曰如何保任曰一瞥在眼
空花亂墜師於此有悟寂後謚弘照大師特有實性和尚常參芙蓉

曰此事若不是師兄也大難悉

漢南高亭和尚

新羅大茅和尚

五臺山知通禪師初在歸宗會下一夜大呼曰我悟大明
日宗問何悟曰師姑原是女人做宗異之後居五臺法
華寺偈曰舉手攀南斗回身倚北辰出頭天外看誰是
我般人

南嶽下三世大梅常禪師法嗣

鎮州普化和尚密受盤山真訣而常振一鐸曰明頭來明
頭打暗頭來暗頭打四方八面來旋風打虛空來連架
打或人呼為驢便作驢鳴後乞得一棺振鐸入棺而逝
人揭棺視之不見惟聞空中鐸聲漸遠

南嶽下三世麻谷徹禪師法嗣

壽州良遂禪師參麻谷谷閉門不禮師叩門谷問誰也師
曰良遂纔稱名忽然契悟及歸講謂眾曰諸人知處良
遂總知良遂知處諸人不知

南嶽下三世東寺會禪師法嗣

吉州著山慧超禪師

南嶽下三世西堂藏禪師法嗣

處州處微禪師問仰山何名山曰慧寂師曰何謂慧何謂寂山曰祇在目前師曰猶有前後在

南嶽下三世章敬暉禪師法嗣

京北大薦福寺弘辨禪師唐宣宗問禪宗何有南北曰慧能神秀俱弘忍弟子慧能居嶺南而神秀在北揚化雲悟有頓漸之異故曰南頓北漸非禪宗有南北號也文問諸佛書名義隨問而答賜紫方袍號圓智禪師

福州龜山智具柳禪師揚州人初謁章敬問何所而至師曰至無所至來無所來敬雖然師亦自悟有偈曰心本絕塵何用洗身中無病豈求醫欲知是佛非身處明鑑高懸未照時咸通六年終于本山謚歸寂禪師

金州操禪師 朗州古提和尚 河中府公叢和尚

南嶽下三世永泰湍禪師法嗣

湖南上林戒靈禪師

五臺山秘魔巖禪師常持一木叉每見僧禮拜即叉却頸曰那个魔魅教汝出家那个魔魅教汝行腳學徒鮮有

對者

欲人自求本心

湖南祇林和尚每此文殊普賢皆為精魅

南嶽下三世華嚴藏禪師法嗣

黃州齊安禪師有偈曰猛熾焰中人有路旋風頂上屹然
棲鎮常歷劫誰差互泉日無言運照齊

南嶽下四世黃蘗運禪師法嗣

鎮州臨濟義玄禪師曹州南華人姓邢氏咸通七年寂謚

慧照大師

睦州陳尊宿諱道明江南陳氏後幻出家契旨于黃蘗後

歸開元織屨養母黃巢寇境標大草屨于城門巢欲棄
之竭力不能舉詭曰此州有大聖舍城而去寂後郡人
以香薪焚之舍利如雨乃收靈骨塑像于寺壽九十八
杭州千頃山楚南張禪師初叅芙蓉芙蓉今師黃蘗遂得
肯文德六年遷化塔于院之西隅大順二年宣州孫儒
寇錢塘發塔觀師全身爪髮俱長禮拜而云

福州烏石山靈觀禪師

杭州羅漢院宗徹吳禪師湖州人僧問如何是南宗北宗
曰心為宗問性地多昏如何了悟曰煩雲風捲太虛廓

清曰如何得明去曰一輪皎潔萬里騰光

南嶽下四世長慶安禪師法嗣

益州大隨法真王禪師梓州人出家慧義寺後就大爲會下見大隨院中有樹圍四丈餘南開一門中空無礙自然一庵師乃居之號木禪和尚四方千里趨風蜀生屢徵不就後坐逝

韶州靈樹如敏禪師閩人廣主劉氏將興兵請師決臧否師已先知怡然坐化知事呈帖子云人天眼目堂中上廣主悟旨遂寢兵爲其龕塔葬儀謚靈樹禪師

福主靈雲志勤禪師本州長谿人見桃花悟道偈曰三十年來尋劍客幾回落葉又抽枝自從一見桃花後直至如今更不疑

福州壽山師解禪師

韶州堯山和尚

泉州國歡崇福院文矩慧日王禪師福州人爲獄卒後師神光和尚有五百僧病疫以杖隨點而起問主剏院以居乾案中滅

台州江和尚

廣州文殊院圓明陳禪師福州人叅大溈得旨

續文獻通考

南嶽下四世趙州詵禪師法嗣

洪州新興嚴陽尊者名善信叅趙州得法嘗有一蛇一虎相隨

揚州光孝院慧覺禪師 隴州國清院奉禪師

婺州木陳從朗禪師僧問既是金剛不壞身如何倒地師叩禪牀曰行住坐卧

婺州新建禪師不度小師僧問和尚年老何不畜一童子侍奉師曰有聾瞶者為吾討來

杭州多福和尚 謚州西睦和尚

南嶽下四世長沙岑禪師法嗣

明州雪竇常通禪師刑州李氏子天祐二年示寂

南嶽下四世茱萸和尚法嗣

石梯和尚

南嶽下四世子湖縱禪師法嗣

台州勝光和尚 漳州浮石和尚

紫桐和尚 日容遠和尚

南嶽下四世關南常禪師法嗣

襄州關西道吾和尚

漳州羅漢和尚初參關南得聞玄旨偈曰宇內爲閑客人
中作野僧任從他笑我隨處自騰騰

南嶽下四世高安大愚禪師法嗣

瑞州未山尼了然禪師

南嶽下四世杭州天龍和尚法嗣

婺州金華山俱胝和尚初住庵時有尼名實際來示法師
不能對有天龍和尚到庵豎一指示之師當下大悟自
此凡有問者惟舉一指曰吾得天龍一指頭禪一生用
不盡

南嶽下五世光覺禪師法嗣

景州長慶道巘禪師廬州人偈曰三界上下法我說皆是
心離于諸心法更無處可尋咸平二年寂

南嶽下四世瀋山祐禪師法嗣 瀋仰宗

袁州仰山慧寂通智禪師韶州懷化葉氏子九歲投通禪
師出家十四歲父母取歸欲與婚娶斷指誓答父母恩
遂不娶而披剃初謁耽源繼參瀋山瀋問汝是有主沙
彌無主沙彌師曰有主曰主在何處師從西過東立瀋
異之劉侍御問了心之旨師曰若要了心無心可了無

了之心是名真了寂後謚智通禪師塔于集雲峰下號
妙光

鄧州香巖智閑禪師青州人聞瀋山教不省一日芟除草
木偶拋瓦礫擊竹作聲忽然省悟有偈頌二百餘篇隨
緣應機不拘聲律寂後謚聾燈禪師

杭州徑山洪諲禪師吳興人偈曰東西不相顧南北與誰
留人言有三世我道一也無光化四年寂

滁州定山神英禪師

雙峰和尚

襄州延慶山法端禪師僧問蚯蚓斷兩段兩頭俱動佛性

在那一頭師展兩手滅後謚紹真禪師

益州應天和尚僧問人人盡有佛性如何是和尚佛性師
曰汝喚甚作佛性曰如此則和尚無性也師乃叫快活
快活

福州九峰慈慧禪師

京兆府米和尚亦名七師

晉州霍山和尚

元康和尚

蘄州三角山法遇庵主因荒亂為魅師所刃

南嶽下五世仰山寂禪師法嗣

袁州仰山西塔光穆禪師

袁州仰山南塔光涌禪師豐城章氏子母乳之夕神光照
庭廡馬皆驚故名光涌後歸仰山山每指謂人曰此子
肉身佛也

晉州霍山景通禪師初參仰山無禮打四藤條自稱集雲
峰下四藤條天下大禪佛後集眾積薪亡終于紅焰中
杭州無著文喜朱禪師嘉禾浯溪人初謁大慈性空空令
徧參師五臺山華嚴寺至金剛窟遇一老翁問此徃間
佛法如何住持翁曰魚龍混雜凡聖同居師曰多少眾
翁曰前三三後三三忽不見師悽然悟彼翁即文後殊

也錢王常賜紫衣號無著禪師終時白光照室竹樹同
聲塔于靈隱山之西塢天福二年許思縱兵大掠發師
塔觀肉身不壞爪髮俱長武肅錢王異之遣裨將邵志
重加封瘞

新羅國五觀山順支了悟禪師

袁州仰山東塔和尚

南嶽下五世香巖閑禪師法嗣

吉州止觀和尚

壽州紹宗禪師

益州南禪無染禪師

益州長平和尚

益州崇福衍教禪師

安州大安山清幹禪師

終南山豐德寺和尚

均州武當山佛巖暉禪師

江州廬山雙溪田道者

南嶽下五世徑山諲禪師法嗣

洪州米崩和尚

南嶽下五世雙峰和尚法嗣

福州雙峰古禪師

南嶽下六世西塔穆禪師法嗣

吉州資福如寶禪師

南嶽下六世南塔涌禪師法嗣

鄂州芭蕉山慧清禪師新羅國人

越州清化全怱禪師吳郡崑山人廬陵縣宰建應國禪院

迎師聚徒本道上開賜名清化天福二年錢氏將闢

雲山建院亦名清化延師開堂忠獻王賜紫方袍不

受改賜衲衣仍號純一禪師師曰吾非飾讓慮吾輩傲

吾逞欲耳開運四年寂時大風摧震林木

韶州黃連山義初明微禪師

韶州慧林鴻究妙濟禪師

南嶽下七世資福寶禪師法嗣

吉州資福真邃禪師

吉州福壽和尚

潭州鹿苑和尚

報慈德韶和尚

南嶽下七世芭蕉清禪師法嗣

郢州芭蕉山繼徹禪師

郢州興陽山清讓禪師

洪州幽谷山法滿禪師

郢州芭蕉山圓禪師

彭州承天院辭確禪師

興元府牛頭山精禪師

益州覺誠院信禪師

郢州芭蕉山閑禪師

郢州蕉山今遵禪師

郢州芭蕉山遇禪師

南嶽下七世慧林究禪師法嗣

韶州靈瑞和尚

南嶽下八世報慈韶禪師法嗣

蘄州三角山志謙禪師

郢州興陽詞鐸禪師

南嶽下四世黃蘗運禪師法嗣 臨濟宗

鎮州臨濟義玄禪師曹州南華邢氏子咸通八年寂塔全身于府西北隅謚慧照禪師塔曰澄靈

南嶽下五世臨濟玄禪師法嗣

魏府興化存獎禪師唐莊宗嘗召至行宮問曰朕收中原

獲得一寶無人酬價師請寶看莊宗以兩手舒幘頭脚

師曰君王之寶誰取酬價莊宗大悅賜紫衣師號不受
寂後謚廣濟禪師

鎮州寶壽沼禪師

鎮州三聖院慧然禪師

魏府大覺和尚

灌谿志閑禪師魏府館陶史氏子乾寧二年五月問待者
曰坐死者誰曰僧伽立死者誰曰僧會師乃行七步垂
手而逝

涿州紙衣和尚

定州善崔禪師

鎮州萬壽和尚

幽州譚空和尚

襄州歷村和尚

滄州米倉和尚

新羅國智異山和尚

常州善權山徹禪師

金沙和尚

齊簪禪師

雲山和尚

虎谿庵主

覆盆庵主

桐峰庵主

杉洋庵主

定上座

齋上座

南嶽下六世興化獎禪師法嗣

汝州西院思明禪師

寶壽和尚

南嶽下六世三聖然禪師法嗣

鎮州大慈和尚
淄州水陸和尚

南嶽下六世魏府大覺和尚法嗣

廬州大覺和尚
廬州澄心院旻德禪師

荆南府竹園山和尚
宋州法華院和尚

南嶽下六世灌谿閑禪師法嗣

池州魯祖山教禪師

南嶽下六世紙衣和尚法嗣

鎮州談空和尚
際上座

南嶽下七世南院顯禪師法嗣

汝州風穴延沼禪師餘杭劉氏子應進士一舉不遂乃出家參南院于言下大徹玄旨重勅風穴寺居之宋開寶八年寂壽七十有八

南嶽下七世西院明禪師法嗣

鄂州興陽歸禪師

南嶽下八世風穴沼禪師法嗣

汝州首山省念禪師萊州狄氏子嘗密誦法華經後參風穴得旨名振四方學者望風而靡開法首山為第一世

淳三年十二月初四日偈曰吾今年邁六十七化老病相依且過日今朝記取明年事明年記取今朝日至明年十二月初四日升座辭衆曰白銀世界金色身情與無情共一真明暗盡時都不照日輪午後示全身日午後泊然而逝茶毘收舍利建塔

汝州廣慧真禪師

鳳翔府長興縣滿禪師

潭州靈泉院和尚

南嶽下九世首山念禪師法嗣

汾州太子院善昭禪師太原俞氏子叅首山得肯首山沒

衆請住持堅讓不遂龍德府尹李與師有舊虛承天寺致之使者三反不赴受罰後必欲俱往要以死師笑曰老病業已不出山借往當先後之何必俱耶使曰師諾則先後惟所擇師今饌設且促裝曰吾先行矣停箸而化闍維收舍利起塔

汝州葉縣廣教院歸省禪師冀州賈氏子叅首山得旨有僧來謁問蒼頭水滴聲汝還聞否僧豁然以頌對曰蒼頭水滴分明歷打破乾坤當心下息師欣然與之

潭州神鼎洪禪師襄水扈氏子洞山有偈曰貪嗔癡太

無知賴我今朝識得伊行便打坐便搥分付心王仔細
推無量劫來不解脫問汝三人知不知師反之曰貪嗔
癡實無知十二時中任從伊行即徃坐即隨分付心王
擬何爲無量劫來元解脫何須更問知不知

襄州谷隱山蘊聰慈照禪師

汝州廣慧院元璉禪師泉州陳氏子

并州承天院三交智嵩禪師偈曰見山不是山見水何曾
別山河與大地都是一輪月

忻州鐵佛院智嵩禪師

汝州首山懷志禪師

隨州智門祖禪師

池州仁王院處評禪師

襄州鹿門慧昭山主

南嶽下十世汾陽昭禪師法嗣

潭州石霜楚圓慈明禪師全州李氏子依湘山靜隱寺出
家後得汾陽法旨徃來楊億李遵最門以法爲友南歸
中途得風痺疾口叻啞斜侍者頓足曰柰何平生呵佛
罵祖今乃爾師曰無憂以手整之如故壽五十四塔全
身子石霜

滁州瑯琊山慧覺廣照禪師西洛人父爲衡陽太守卒師

扶觀歸洛過豐陽藥山古刹宛若夙居遂出家遊方得
去汾陽應緣滁水與雪竇明覺同時唱道四方皆謂二
甘露門

瑞州大愚山守芝禪師
潭州石霜法永禪師

舒州法華院全舉禪師

南嶽芭蕉庵大道谷泉禪師泉州人受法汾陽放蕩湖湘
嘗省慈明少留而還作偈寄之曰相別而今又半年不
知誰共對談禪一般秀色湖山裏汝自匡徒我自眼
蘄州黃梅龍華寺曉愚禪師

安吉州天聖皓泰禪師
唐州龍潭智圓禪師

舒州投子圓修禪師
汾陽太子院道一禪師

南嶽下十世葉縣省禪師法嗣

舒州浮山法遠圓鑒禪師鄭州圃田人投三文高和尚出
家幻為沙彌嘗因甚說法為歐陽文忠稱賞暮春休于
會聖巖叙佛祖奧義作九偈學者皆傳誦寂時七十餘
雅自稱柴石野人

汝州寶應院法昭演教禪師

唐州大乘山慧果禪師
石門守進禪師

南嶽下十世神將譚禪師

荆南府開聖寶情山主 天台山妙智寺光雲禪師

南嶽下十世谷隱聰禪師法嗣

潤州金山曇穎達觀禪師錢塘丘氏子歐陽文忠公未第時穎識之游相樂也嘗謁谷隱有悟歎曰纔涉唇吻便落意思盡是死門終非活路嘉祐四年遺書別刁景純升座諭衆而逝壽七十有二

蘇州洞庭翠峰慧月禪師 明州伏錫山修己禪師

唐州大乘山德遵禪師 荆南府竹園法顯禪師

彭州永福院延照禪師 安吉州景清院居素禪師

處州仁壽嗣珍禪師 越州雲門顯欽禪師

果州永慶光普禪師 龍華齊岳禪師

南嶽下十世廣慧璉禪師法嗣

東京嚴華道隆禪師仁宗嘗夢至寺門見龍蟠地驚覺即遣中使視之覩師熟睡械之驚覺問名歸奏帝喜曰吉徵也明日召至寢殿問宗旨奏對詳允帝大悅賜號應制明悟禪師後復建華嚴禪院居之年八十餘示寂于盛暑安坐七日手足和柔全身塔于之東

續文獻通考

卷之二百四十九終

臨江軍慧力慧南禪師

汝州廣慧德宣禪師



